

Eur vagig e kreiz ar mor bras,  
 Gant an avel foll a dreuzas :  
 Eur paourkez, evit en em denn,  
 N'en doa ken nemet eur plankenn.

Istribilh ouz e blankennig  
 Hen a velas eur chapelig :  
 Chapel an Intron Varia,  
 Anaveet gantan pell a oa.

« Intron Varia beniget,  
 Sikour, sikour 'ta, me ho ped. »  
 Emezan, epad e anken :  
 Hag ar vamm a glev e bedenn.

Hen tennet he deus a c'hlae'har,  
 Deut eo dibistig en douar ;  
 Buntet ma zeo gant an avel,  
 Ec'h arru e-tal ar chapel.

Mez, Mari, piou a lavaro  
 Ar grasou hoc'h eus roet d'ar vro,  
 Abaoue ouspenn c'houec'h kant vloaz,  
 Aman war bordig ar mor bras ?

Nann, den na zisklerio, Gwerc'hez,  
 Ar brasder eus ho madelez ;  
 N'eus nemet Doue hag a oar  
 Ar vad hoc'h eus gret d'an douar.

Redit eta da gaout Mari,  
 Deut holl gant fianz d'he fedo  
 En he chapel e harz ar mor  
 Pa vezo ar pardon digor.

Vu et approuvé avec autorisation d'imprimer.

Quimper, le 16 Septembre 1859.

Mgr SAUVEUR, Vic. gén.



PARREZ POULDREUZIC

## KANTIK

### Intron Varia Penhors

DISKAN :


*Mari, hor mamm e harz ar mor,  
 A zo evidomp eun tenzor ;  
 Burzudou a ra bep mare  
 Aman evit he bugale.*

Etre Penmarc'h ha Beg-ar-Raz  
 Zo savet e pleg ar mor braz  
 Eur chapelig eus ar brava,  
 Evidoc'h, Intron Varia.

Chapel Penhors eo he hano.  
 Aman gwir zikour ho pezo,  
 Evit ho korf hag hoc'h ene  
 Digant ar Werc'hez, Mamm Doue.

D'an eiz eus a viz Gwengolo,  
 Eman ar pardon bras eno :  
 Treuzou an iliz zo uzet  
 Gant boutou ar belerinet.

Hon tadou koz e peb amzer  
 A gave aman o mamm ger ;  
 Ennoc'h, Mari, a holl viskoaz  
 O doa lakeet eur fianz vraz.



En o foan hag en o enkrez,  
D'ho kaout e teuent, ô Gwerc'hez !  
Ha sikour o dije bepred  
Diganeoc'h, mamm an holl remed.

Gwerc'hez Vari, Mamm da Zoue,  
Ni zo ive ho pugale :  
Karet oc'h bet gant hon tadou  
Ha ni ro d'eoc'h hor c'halonou.

Er bed-man, allas ! reuzendik  
Ez omp holl paour ha pinvidik ;  
Gant an anken hag ar c'hlenved  
Ez omp holl bep mare krignet.

Hor c'horf en deuz e glenvejou  
Hag hon ene e c'houlïou :  
Hor mamm a gav bepred ive  
Remed d'an eif ha d'egile.

Redomp eta gant levez  
Da gaout Mari hor rouanez  
He galloud a zo heb he far  
War ar mor ha war an douar.

Nag a c'hras, Intron Varia,  
Hoc'h eus bet roet er chapel-ma  
D'an neb a zo deut gant fianz  
D'en em strinka en ho prezanz.

Intron Varia, gwir zikour,  
Davedoc'h e teu ar c'hlanvour  
Da c'houlenn aman ar yec'hed  
En e holl boaniou diremed.

Bepred kalon ar vamm dener  
He deus truez ouz he mab ker ;  
Selaouet he deus e bedenn :  
Hep dale en deus e c'houlenn,

Nag a dud klanv war o gwele,  
A hirvoude hag a vouele,  
O deus bet raktal ar yec'hed,  
Pa o deus deoc'h en em vouestlet.

Meur a vamm, dre ho madelez,  
A zo bet dalc'het e buez,  
Hag he deus bet ar joa zoken  
Da velet he bugel kristen.

Kalz a dud epad ar brezel  
O deus bet sonj eus ho chapel,  
Ha nikun n'en deuz ho pedet,  
Gwerc'hez, heb beza selaouet.

Hor madou e kreiz an tan-gwall,  
Nag a wech evit o diwall,  
N'hon eus-ni ket d'eoc'h o gouestlet ?  
Ha bep tro hoc'h zus o miret.

An ti zo e poultr ha ludu  
Ma na jench ket an avel tu :  
Astenn a rit neuze ho prec'h :  
Raktal an avel a jench lec'h.

Mont a rimp evit hoc'h enor  
D'ho chapelig e harz ar mor,  
Evit trugarekaat ar vamm  
He deus hor miret ouz ar flamm.

Taolit ho lagad war ar mor :  
Setu eman en e fulor,  
Prest da lonka tud ha madou  
Ebarz goueled e abimou.

Sellit ! eur vagig zo aze,  
E kreiz an tarz eus ar mor-ze,  
Ha piou allas ! he sikouro ?  
Gwerc'hez Vari, c'houi he dalc'ho.

Tud kez, epad ar gwall amzer  
Na zizonjit ket ho mamm ger ;  
War hordig ar mor direiz,  
A velit savet he ilis.

Hed an noz, en denvalijenn,  
Mari a vo ho steredenn ;  
Hag Intron Varia Penhors  
War-eeun ho reno klok er porz.